



PAASPROGRAM 2022

Donderdag 14 April 2022

Nagmaal in die kerk om 19:00 | Ds. Johan Visser

Goeie Vrydag 15 April 2022

Erediens in die kerk om 09:00 | Ds. René Potgieter (2)

Jesaja 53:1-2 | God se genadestorie

Paassondag 17 April 2022


Nagmaal in meditatiewe styl om 06:30 in die kerk | Ds. Dietmann (4)

Oggenddiens om 09:00 in die kerk | Ds. Duvenhage (3)

Johannes 20:19-31 | Opstandingstroos: Vrede vir julle!

PAASFEES VIR FAMILIES

- Dink en gesels saam oor Paasfees aan die hand van die prettige Paasfeesplekmatjie. Laai die A4-grootte plekmatjie af op <https://www.stellenberg.co.za/paasfees-vir-gesinne/> en druk vir elke gesinslid 'n plekmatjie om aan tafel te gebruik. Skandeer die QR-kodes op die plekmatjie met jou selfoonkamera en vind interessante geselsvrae oor Paasfees, wat julle as gesin saam kan bespreek.
- Daar is Paashandleidings vir gesinne beskikbaar in die voorportaal van die kerk, of laai dit af op www.stellenberg.co.za/paasfees-vir-gesinne.



GROOTLYDENSWEEK

KONTAK ONS

021 976 4519

081 045 2428

navrae@stellenberg.co.za

www.stellenberg.co.za

GEBEDSVERSOEKE

Gebedsversoeke kan aan ds. René Potgieter by 079 893 8104 gestuur word.

DEUROFFERS

Edelweiss, Dienssentrum vir seniors. Die tehuis van die ACVV is oorkant die kerk geleë en bied verblyf aan senior burgers, asook versorging aan verswakke bejaardes. Heelwat van die gemeente se lidmate is ook woonagtig in die sentrum.

BELYDENISAFLEGGING | 22 MEI

Neem asseblief kennis dat daar op Sondag 22 Mei 'n belydenis-afleggingsgeleentheid tydens die Relevantdiens om 18:00 sal wees. Graad 12's wat graag belydenis van geloof wil aflê, moet asseblief die gemeente se webwerf onder die afdeling Relevantbediening besoek vir meer inligting rakende die aansoekproses en die aansoekvorm.

'N #WERKBESOEK

Kontak gerus enige van die gemeenteleraars om u by u werksplek of besigheid te besoek. 'n Kort Bybelstudie saam met personeel kan ook aangebied word. Leraars se kontakbesonderhede is op www.stellenberg.co.za beskikbaar.

GROEP VIR LAAT TWINTIGS TOT DERTIGS

Indien jy in jou laat twintiger- tot dertigerjare is, sluit gerus aan by ons gesellige groep wat elke tweede Woensdag om 18:30 in die markplein byeenkom. Die kontakpersoon is Jean by 074 616 6587.

VATVYF-BYEENKOMS

Op 20 April om 10:00 in die kleinsaal gaan 'n apteker met ons gesels oor die korrekte gebruik van medikasie – watter voordele hou medikasie in wanneer 'n mens dit reg gebruik. Ons geniet ook tee, koffie en muffins en kuier lekker saam. Die byeenkoms is gratis, maar bespreek asb. jou plek voor 18 April by Anneke, 021 976 4519.

MATROLBALSPELERS GESOEK

Matrolbalspelers, veral manlike spelers, word vir die gemeente se matrolbalspan benodig. Sluit gerus by die gesellige span spelers aan. Kontak Corrie by 083 288 5048.

AANSTELLING VAN 'N NUWE LERAAR

Negentien aansoeke is vir die voltydse leraarspos met die fokus op jeug, ontvang. Die preadvies-kommissie is tans besig om al die aansoeke te verwerk sodat 'n kortlys saamgestel kan word.

STELLENBERG TERAPIESENTRUM

Die sentrum bied berading en mediasiedienste deur professionele persone aan. Spraak- en arbeidsterapeute, 'n besigheids- en lewensafripter, asook 'n musiekterapeut se dienste word aangebied. Maak gerus 'n afspraak by 021 976 8029 (09:00 tot 13:00) of stuur 'n e-pos na sos@stellenberg.co.za.

Na-ure skakel

083 519 0602.

KOFFIE EN KRUMMELS

Die koffiewinkel is gesluit tydens Paasnaweek, maar sal wel op Maandag 18 April vanaf 08:00 tot 13:00 oop wees.

UITREIKE | JUNIE - JULIE

Ons beoog om vanaf 25 tot 30 Junie na Calitzdorp en Beaufort-Wes uit te reik en vanaf 1 tot 6 Julie na Leeu-Gamka. Die koste vir die uitreike beloop onderskeidelik R1 100 en R1 000 per persoon.

Ons wil graag weer vir die mense van dié gemeenskappe tot seën gaan wees. Bid asseblief oor jou betrokkenheid. Inskrywingsvorms is op www.stellenberg.co.za. Rig asb. navrae aan sunet@stellenberg.co.za of ds.Why Duvenhage by why@stellenberg.co.za.

BULLETIN EN DAGSTUKKE OP JOU SELFOON

Bulletin: Lees die bulletin op jou selfoon en kyk na die aanlyn oggenddiens op jou foon deur 'n WhatsApp met jou naam + van + bulletin na 081 045 2428 te stuur, of skandeer die QR-kode hier regs met jou WhatsApp-kamera en sluit aan.



Daaglikse stemboodskap: Luister na die daaglikse stemboodskappe op jou selfoon deur 'n WhatsApp met jou naam + van + bulletin na 081 045 2428 te stuur, of skandeer die QR-kode hier regs met jou WhatsApp-kamera en sluit by die groep aan.



FINANSIËLE BYDRAES

EFT-betaling

Dit kan oorbetaal word na ABSA-tjekrekening 145 058 0011, takkode 632005.

Kontantbydraes

Kan by die kerkkantoor inbetaal word, of in die beveiligde posbus op die kerkkantoor se stoep gegooi word.

SnapScan



EDELWEISS

BYBELSTUDIE

Don. 21 April 15:00

Jeremia 29: 'n Brief van hoop?

HUISDIENS

Son. 24 April om 18:00

Joh. 11:17-35

“Ek is die opstanding en die lewe.”

VROUEBYBELSTUDIE

Die Bybelstudiegroep vir vroue hervat op Maandag 25 April om 10:00 in die ou kafeteria-area. 'n Biduurbyeenkoms om 09:15 in die gebedskamer langs die kapel word voor die Bybelstudie aangebied.

BREIGROEP

Die groep ontmoet weer op Maandag 9 Mei om 09:30 in die markplein.

Bring jou breiwerk saam.

GEDAGTE VIR DIE DAG | SONDAG 17 APRIL

Deur: Ds. Why Duvenhage

Die Here het opgestaan! Die Here het waarlik opgestaan!
Dit is vandag Opstandingsondag en Paassondag. Wêreldwyd sing volgelinge van Jesus vandag: *Hoor jy die Paasfeesklokke? Hul lui van vroegdag af; hul jubel oor die wêreld: Die Heer is uit die graf! Hy, Christus, die oorwinnaar, is uit die donker uit! Die Heer, die sleuteldraer, sal ook my graf ontsluit.*

Ek deel vanoggend 'n paar kort gebede uit die *Groot Gebedeboek* rakende die aangrypende gebeurtenis wat vir ons die poort tot hierdie lewe én die ewige lewe is:

Uit die Oosters-Ortodokse kerk hoor ons die Paaslied:

Hy wat die aarde teen die uitspansel gehang het, het nog eergister aan die kruis gehang. Hy wat die koning van engele is, het nog eergister 'n doringkroon gedra. Hy wat die berge in wolke klee, het nog eergister die kleed van spot gedra.

Die Bruidegom wat sy kerkbruid gaan kom haal, was met spykers aan 'n kruis genael. Die Wonderseun van 'n maagd, is met 'n spies deurboor. Ons wat gister en eergister u lyding beween het, juig vandag oor U stralende opstanding!

Gees van God, ons dank U dat U Christus se lewe uit die dood opgewek het. Ons wie se liggame nog sterwend is, ons smeek U, wek ons op tot nuwe lewe!

Here wat die dood oorwin het, en tot in alle ewigheid lewe: Ons vier vandag die misterie van die ewige lewe, sowel as die majesteit van die opstanding. Amen.

FEESMARK 2022

Aansoeke is nou oop en sluit op 29 April. Doen aanlyn aansoek deur www.stellenberg.co.za.

KONTAK ONS

021 976 4519

081 045 2428

navrae@stellenberg.co.za

www.stellenberg.co.za

ASEMSKEP- GEBEDSGROEP

Elke Dinsdagaand om
18:30 in die kapel.

Enige iemand is welkom, sluit gerus by ons
aan.